

ԱՐԵԱՆ ՋԱՅՐԵՆԻԲ

(Նուէր տանջուող սրտին)

Ողջոյն քեզ... Արեան հայրենիք.
Որ բոլորեցիր արիւնոտ մի դար,
Եւ այսօր կրկին, քո դարէ ի դար
Սևագիր բախտիդ հըլու հնազանդ,
Թեակոխում ես էլ մի կարմիր դար:

Ողջոյն քեզ... Արեան հայրենիք.
Որ մարգարտահոս վրտակդ օրն ի բուն
Կարմիր է կտրել, հոսում է արիւն.
Որ հասկաշատ արտ. ծառ ու ծաղիկներդ
Ցատակ ջրբի տեղ խմում են արիւն...

Ողջոյն քեզ... Արեան հայրենիք.
Որ չուսուցած հարադատներեց
Անպարտ ու անարգ սև ճակատագրիդ
Գերի դարձրած՝ մաշում ես անվերջ
Ու արցունքն առնտ, հրդեհն է անշէջ:

Ողջոյն քեզ... Արեան հայրենիք.
Որ գեղածիծաղ քո հովիտներում
Դաժան բռնազղը աւեր է սփռում.
Եւ դու անտարբեր քո իսկ զաւակիդ
Արեան ծարաւի՝ դեռ լիւր ես մընում...

Ողջոյն քեզ... Արեան հայրենիք
Որ հսկայագործ տաճարդ ամայի
Հովիւն է անզօր հանդէպ մերկ սրի,
Շէնքերդ լափում է մի անյադ կրակ.
Ինչո՞վ մենք եղանք դըրան արժանի:

Ողջոյն քեզ... Արեան հայրենիք.
Որ արիւնախում մի կարմիր մըրիկ
Դըրում է բախտիդ սև դատակնիք...
Այդ թնչ օր բերիր սև արև ազգիս,
Դո՛ւ, դրախտանքման իմ Հայ հարենիք:

Ողջոյն քեզ... Արեան հայրենիք.
Որ անագորոյն մի խաւար ոգի
Արիւն ու աւեր է շնչում քեզի.
Մինչև երբ այդպէս, անբախտ հայրենիք,
Սուրը մեր գլխին անպատիժ լինի...

Ողջոյն քեզ... Արեան հայրենիք
Թող
Թող որ մեր սրտերն արդէն վերաւոր,
Արդէն սևաւոր բախտին խաղալիք՝
Գոնէ բողոքեն... ձայնով ահաւոր
Ճակատիդ դրոշմեն... — «Արեան հայրենիք»...

ԳԱԼՈՒՍՏ

1905 հոկտ. 15 Ուրմիա.